



შინაგანაწესი, დანართი №06

ახალი რედაქცია დამტკიცებულია

რექტორის ბრძანება № 01-01 03.01.2023

რექტორი  კ. ხვედელიძე



პერსონალის, სტუდენტების, პროფესიული სტუდენტების და მსმენელების
მატერიალური და სოციალური მხარდაჭერა

ნდ №2-010102/06

ბათუმი

2023



მუხლი 1. დოკუმენტის შესახებ

წინამდებარე დოკუმენტი ადგენს ბნსუ-ში სტუდენტების, პროფესიული სტუდენტების და პერსონალის მატერიალური და სოციალური მხარდაჭერის გაწევის წესებს. მისი მიზანია წესებისა და პროცედურების გამჭვირვალობის უზრუნველყოფა. ყველა საკითხი, რომელიც არ არის გათვალისწინებული ამ და სხვა შიდა მარეგულირებელი დებულებებით/წესებით, რეგულირდება საქართველოში მოქმედი კანონმდებლობის შესაბამისად.

მუხლი 2. სოციალური და მატერიალური დახმარების მიღების უფლება

1. ბნსუ-ში სოციალური და მატერიალური დახმარების (შემდგომში - დახმარების) მიღება შეუძლია:

ა) სტუდენტს/პროფესიულ სტუდენტს/მსმენელს, რომელიც მიეკუთვნება ერთ-ერთ სოციალურად მოწყვლად ჯგუფს, მათ შორის:

- არის I-II ჯგუფის ინვალიდი;
- არის სოციალურად დაუცველი ოჯახებიდან;
- ჰყავს 2 და მეტი მცირეწლოვანი შვილი ან არის მცირეწლოვანი ბავშვის ერთადერთი მშობელი;
- დარჩა საარსებო წყაროს და/ან საცხოვრისის გარეშე;
- აქვს ქრონიკული დაავადებები (დისპანსერულ აღრიცხვაზე ყოფნის შემთხვევაში);
- სხვა (ბნსუ-ს ადმინისტრაციის გადაწყვეტილებით).

ბ) ბნსუ-ს თანამშრომელს, რომელიც მიეკუთვნება ქვემოთ ჩამოთვლილ ჯგუფს:

- არის I-II ჯგუფის ინვალიდი;
- აქვს ქრონიკული დაავადებები (დისპანსერულ აღრიცხვაზე ყოფნის შემთხვევაში);
- არის 2-ზე მეტი მცირეწლოვანი ბავშვის ერთადერთი მშობელი;
- დარჩა საარსებო წყაროს და/ან საცხოვრისის გარეშე;
- სხვა (ბნსუ-ს ადმინისტრაციის გადაწყვეტილებით).

მუხლი 3. სოციალური და მატერიალური დახმარება

1. სტუდენტმა/პროფესიულმა სტუდენტმა/მსმენელმა, რომელიც მიეკუთვნება ზემოთ მითითებულ ერთ-ერთ კატეგორიას, მისი საჭიროებების გათვალისწინებით, შეიძლება მიიღოს:

- მატერიალური დახმარება - ერთჯერადი დახმარება, რომელიც გაიცემა სტუდენტების/პროფესიული სტუდენტების/მსმენელების მატერიალური მდგომარეობისადმი დიფერენცირებული მიდგომის საფუძველზე;
- სოციალური სტიპენდია - სოციალური სტიპენდიის დანიშვნის საკითხი განიხილება ინდივიდუალურად, სტიპენდიის დანიშვნისას მხედველობაში მიიღება სტუდენტის/პროფესიული სტუდენტის/მსმენელის მდგომარეობის სირთულე და საჭიროებების სიმწვავე. სოციალური სტიპენდია ინიშნება და გაიცემა ერთი სემესტრის განმავლობაში;
- სამედიცინო სერვისი - იგულისხმება პარტნიორ დაწესებულებაში (მისი პროფილის შესაბამისად) უფასო/ფასდაკლებით (ბნსუ-ს თანადაფინანსებით) სამედიცინო დახმარების, უფასო კონსულტაციის მიღება; ჯანმრთელობის დაზღვევა;
- ბნსუ-ს საერთო საცხოვრებელი სარგებლობა - იგულისხმება ბნსუ-ს საერთო საცხოვრებელში 01 სემესტრის განმავლობაში სრულად უფასოდ ან 01 აკადემიური წლის განმავლობაში ნაწილობრივ უფასოდ (გარდა კომუნალური გადასახადებისა) ან შეღავათიან ფასად ცხოვრება. ბნსუ-ს საერთო საცხოვრებელში ცხოვრების ნებართვის გაცემისას, სოციალური დახმარების მიმღები სტუდენტი/პროფესიული სტუდენტი/მსმენელი სარგებლობენ უპირატესობით. სტუდენტი/პროფესიული სტუდენტი/მსმენელი, რომელსაც სურს ბნსუ-ს საერთო საცხოვრებელი სარგებლობა ზაფხულის არდადეგების პერიოდში, ვალდებულია მიმართოს ბნსუ-ს ადმინისტრაციის ხელმძღვანელს-კანცლერს შესაბამისი განცხადებით და დაასაბუთოს თავისი თხოვნა. ყველა განცხადება განიხილება ინდივიდუალურად;
- სხვა (რაც გამომდინარეობს სტუდენტის/პროფესიული სტუდენტის/მსმენელის საჭიროებიდან და რისი გადაწყვეტა შესაძლებელია ბნსუ-ს რესურსების გამოყენებით).

2. ბნსუ-ს თანამშრომელმა, რომელიც მიეკუთვნება ზემოთ მითითებულ ერთ-ერთ კატეგორიას, მისი საჭიროებების გათვალისწინებით შეიძლება მიიღოს:

- მატერიალური დახმარება - ერთჯერადი დახმარება, რომელიც გაიცემა პირის მატერიალური მდგომარეობისადმი დიფერენცირებული მიდგომის საფუძველზე;
- ხელფასის სოციალური დანამატი - საკითხი განიხილება ინდივიდუალურად, მხედველობაში მიიღება პირის მდგომარეობის სირთულე და საჭიროებების სიმწვავე. სოციალური დანამატი ინიშნება და გაიცემა ერთი სემესტრის განმავლობაში;
- სამედიცინო სერვისი - იგულისხმება პარტნიორ დაწესებულებაში (მისი პროფილის შესაბამისად) უფასო/ფასდაკლებით (ბნსუ-ს თანადაფინანსებით) სამედიცინო დახმარების, უფასო კონსულტაციის მიღება; ჯანმრთელობის დაზღვევა;
- ბნსუ-ს საერთო საცხოვრებელი სარგებლობა - იგულისხმება ბნსუ-ს საერთო საცხოვრებელში 01 სემესტრის განმავლობაში სრულად უფასოდ ან 01 აკადემიური წლის განმავლობაში ნაწილობრივ უფასოდ (გარდა კომუნალური გადასახადებისა) ან შეღავათიან ფასად ცხოვრება. ბნსუ-ს საერთო საცხოვრებელში ცხოვრების ნებართვის გაცემისას სოციალური დახმარების მიმღები პირები სარგებლობენ უპირატესობით. პირი, რომელსაც სურს ბნსუ-ს საერთო საცხოვრებელი სარგებლობა ზაფხულის არდადეგების პერიოდში, ვალდებულია მიმართოს ბნსუ-ს ადმინისტრაციის ხელმძღვანელს-კანცლერს შესაბამისი განცხადებით და დაასაბუთოს თავისი თხოვნა. ყველა განცხადება განიხილება ინდივიდუალურად.
- სხვა (რაც გამომდინარეობს პირის საჭიროებიდან და რისი გადაწყვეტა შესაძლებელია ბნსუ-ს რესურსების გამოყენებით).

მუხლი 4. მატერიალური და სოციალური დახმარების გაწევის და მიღების წესი

1. ზემოთ ჩამოთვლილიდან ერთ-ერთი დახმარების მისაღებად ბნსუ-ს თანამშრომელმა, სტუდენტმა/პროფესიულმა სტუდენტმა /მსმენელმა სემესტრის/სწავლების ციკლის დაწყებიდან 02 კვირის განმავლობაში (გარდა დახმარებისა, რომლის საჭიროება გამოწვეულია უცერად შექმნილი ობიექტური გარემოებებით) განცხადებით უნდა მიმართოს ადმინისტრაციის ხელმძღვანელს-კანცლერს. განცხადებას უნდა დაერთოს შესაბამისი დამადასტურებელი დოკუმენტები (დედანი/სანოტარო წესით დამოწმებული ასლები). განცხადება უნდა იყოს მკაფიო. განცხადებით უნდა იყოს შესაძლებელი იმის დადგენა, რაში მდგომარეობს პრობლემა და რა დახმარების საჭიროება არსებობს. განცხადების თანდართული დოკუმენტებით უნდა დასტურდებოდეს განცხადებაში

| | | | |
|--|-----------|---|-----|
| ძირითადი დოკუმენტი: „შინაგანაწესი“ - დანართი №06 | | | |
| ნდ №2-010102/06 | ვერსია: 0 | დამტკიცების აქტი: რექტორის ბრძანება № 01-01, 03.01.2023 | 2-4 |



- მითითებული გარემოებები;
- 2. განცხადების წარდგენა ხდება ბნსუ-ს შინაგანაწესში განცხადების წარდგენისთვის დადგენილი წესით. მიღებული გადაწყვეტილების შესახებ დაინტერესებული პირის ინფორმირება ხდება არაუგვიანეს განცხადებების წარდგენისთვის დადგენილი პერიოდის დასრულებიდან 5 სამუშაო დღეში;
- 3. მოთხოვნილ დახმარებაზე უარის თქმა არ გამოირიცხავს პირისთვის სოციალური და მატერიალური დახმარების სხვა ფორმით შეთავაზებას და გაწევას;
- 4. სოციალური და მატერიალური დახმარების გაწევა წყდება:
 - სტუდენტის/პროფესიული სტუდენტის/მსმენელის სტატუსის შეჩერების ან შეწყვეტის შემთხვევაში;
 - შრომითი ხელშეკრულების ვადის გასვლის/ვადამდე შეწყვეტის შემთხვევაში.
- 5. შესაძლოა დადგინდეს ზემოთ მითითებულიდან გამონაკლისი შემთხვევები - სტუდენტის/პროფესიული სტუდენტის/ყოფილი თანამშრომლის განცხადების, თანდართული დოკუმენტების და მისი მდგომარეობის გათვალისწინებით შეიძლება იქნეს მიღებული გადაწყვეტილება გარკვეული დროის პერიოდში (არაუმეტეს 01 სემესტრის ხანგრძლივობისა) ბნსუ-ს საერთო საცხოვრებელი და სამედიცინო სერვისით სარგებლობის უფლების შენარჩუნების შესახებ.

მუხლი 5. სოციალური დახმარების კომისია

1. განცხადებებს განიხილავს და გადაწყვეტილებებს იღებს სოციალური დახმარების კომისია;
2. კომისია არის მუდმივმოქმედი;
3. კომისია იკრიბება საჭიროებისამებრ;
4. კომისიის შემადგენლობაში შედიან ბნსუ-ს ადმინისტრაციის ხელმძღვანელი-კანცლერი (კომისიის და სხდომების თავმჯდომარე), ყველა ფაკულტეტის დეკანი, პროფესიული განათლების დეპარტამენტის ხელმძღვანელი, სტუდენტთა და პროფესიული სტუდენტთა თვითმმართველობის თავმჯდომარე და ბნსუ-ს იურისტი. კომისიის მდივნის ფუნქციას ასრულებს კომისიის ერთ-ერთი წევრი, რომელიც არსულებს საორგანიზაციო, საინფორმაციო, საოქმო უზრუნველყოფის ფუნქციას, მონაწილეობს კომისიის მუშაობაში, გადაწყვეტილების მიღებაში და კენჭისყრაში. საჭიროების შემთხვევაში, კომისიაში სხვა პირების შეყვანა ხდება ადმინისტრაციის ხელმძღვანელის-კანცლერის ბრძანებით;
5. კომისია უფლებამოსილია, თუ სხდომას ესწრება წევრთა არანაკლებ ნახევარი, სტუდენტის/პროფესიული სტუდენტის/მსმენელის საკითხის განხილვისას - სტუდენტთა და პროფესიული სტუდენტთა თვითმმართველობის თავმჯდომარის ჩათვლით;
6. თავმჯდომარის ან კომისიის მდივნის არყოფნის შემთხვევაში სხდომის თავმჯდომარის ან მდივნის ფუნქციას ასრულებს კომისიის წევრი, რომელიც არჩეულია დამსწრე წევრთა ხმათა უმრავლესობით;
7. კომისიის წევრი/თავმჯდომარე ვალდებულია მასალების განხილვის დაწყებამდე განაცხადოს იმ გარემოების თაობაზე, რომელმაც შეიძლება მას ხელი შეუშალოს საკითხის ობიექტურად განხილვაში და გადაწყვეტილების მიუკერძოებლად გამოტანაში, და ასეთი გარემოების არსებობისას განაცხადოს თვითაცილების შესახებ;
8. ინფორმაციის დაზუსტების, პირის საჭიროებების ზუსტად და სრულად დადგენის, აუცილებლობის შემთხვევაში - ერთ-ერთი ალტერნატიული დახმარების შერჩევისა და შეთავაზების და სწორი გადაწყვეტილების მიღების მიზნით, კომისია უფლებამოსილია სხდომაზე მოიწვიოს დაინტერესებული პირი, სპეციფიკური სფეროს სპეციალისტი, პარტნიორი სამედიცინო დაწესებულების წარმომადგენელი ან სხვ.;
9. კომისიის სხდომა დახურულია;
10. გადაწყვეტილება მიიღება ღია კენჭისყრით კომისიის სხდომაზე დამსწრე წევრთა ხმათა უმრავლესობით. კომისიის ყველა წევრი აქვს თანაბარი ხმის უფლება. ხმების თანაბრად გაყოფის შემთხვევაში გადამწყვეტია კომისიის თავმჯდომარის ხმა;
11. კომისიის მუშაობა აისახება ოქმში, რომელსაც ხელს აწერს თავმჯდომარე, მდივანი და ყველა წევრი;
12. კომისიის გადაწყვეტილების საფუძველზე გამოიცემა ადმინისტრაციის ხელმძღვანელის-კანცლერის ბრძანება;
13. კომისიის გადაწყვეტილების შესრულებაზე პასუხისმგებელია ადმინისტრაციის ხელმძღვანელი-კანცლერი, რომელიც კომისიის გადაწყვეტილების საფუძველზე გამოსცემს შესაბამის ბრძანებას.

მუხლი 6. დასკვნითი დებულებები

1. წინამდებარე დოკუმენტს და ცვლილებებს დოკუმენტში ამტკიცებს ბნსუ-ს რექტორი;
2. წინამდებარე დოკუმენტის ძალაში შესვლისთანავე უქმდება წინამდებარე დოკუმენტის ძალაში შესვლამდე მოქმედი დებულებები/წესები, რომლებიც არეგულირებდნენ წინამდებარე დოკუმენტით გათვალისწინებულ საკითხებს;
3. წინამდებარე დოკუმენტის მუხლებს წინამდებარეული აქვს სათაურები ტექსტით სარგებლობის გასაადვილებლად, ეს სათაურები არ მიიჩნევა რომელიმე მუხლის განმსაზღვრელად, შემცველად ან განმმარტებლად;
4. წინამდებარე დოკუმენტის რომელიმე მუხლის/დებულების ძალადაკარგულად/ზათილად ცნობა არ ვრცელდება დოკუმენტის სხვა მუხლებზე/დებულებებზე;
5. ყველა საკითხი, რომელიც არ არის გათვალისწინებული წინამდებარე დოკუმენტით, რეგულირდება საქართველოში მოქმედი კანონმდებლობით;
6. წინამდებარე დოკუმენტი ძალას კარგავს ახალი დოკუმენტის დამტკიცების შემთხვევაში.

| | | | |
|--|-----------|---|-----|
| ძირითადი დოკუმენტი: „შინაგანაწესი“ - დანართი №06 | | | |
| ნდ №2-010102/06 | ვერსია: 0 | დამტკიცების აქტი: რექტორის ბრძანება № 01-01, 03.01.2023 | 3-4 |



ცვლილებების აღრიცხვის ფურცელი

| ცვლილებების № | ცვლილებების თარიღი | ცვლილებების შინაარსი |
|------------------|-----------------------|----------------------|
| | | |
| | | |
| | | |